

## Çand û hunerê me çawa dihên hêlsengandin?



**Tehsîn Navîşkî**

**H**eçiyê li gel riyalîtê herêma Kurdistana azad kirî li va hevde salên dawiyê jiya be, wê jêre eşkira be, piraniya biyavên jiyanê xelkê akinciyê herêmê, li ser mukumî û lawaziya havlyên kesokî dihê kirin.

Anko ew kes û layenên havaltiya bi hêz li gel hevdu hebe, wê jêre hemû şiyanan terxan bike. Dibe ev diyardeye ji yasa û zagonên xweristî yênerdûnê be; heke ji bazinê xwe yêrewa dernekeve.

Helbete biyavê çand û hunerî ji vê diyardeyê bê behir nebûye. Wek ez li pirsgirêkê dinêrim; heke hemû biyavên jiyarê pêxemet peywendiyên werne (îstixlal) kirin, gereke çand û huner; wek samanê her gelekî bi wê şêweyî serederî li gel de ne hê kirin.

Lê mixabin evê nexweşiya domdirêj, li herêma azad kirî cîhana wêje û hunerê me jî vegirtiye. Em wê bibînin, gelek caran xwandevanekê

rexnegir, mijarê nivîskarekê herêmê yê afirandinane dixwîne yan mêze dike kevalê hunermendekî, yan her karekê din yê hunerî û têbîniyên rexneyê jêre peyda dibin û biyavê nivîsareka dahênanane jêre rohin dibe û şiyane hene li ser binivîse.

Tiştê kesê haydarî kêşeyê hêbetî! Dihêle, ew xwandevanê bi rexnegirê bi van tuxmên wêne û hunerî dihê niyasîn destpêşxeriya dariştina wan têbîniyên rexneyî nake; heke hevalê wî yan nasiyarê wî yê peywendiyên kesokî li gel de nebin. Demê hingê derket hevalê wî yê peywendiyên, helbet wê karê wî bifirîne ber esmanan û çavên xwe ji layenên nerênî dicîhana wêje û hunerî de wê bigire.

Hember vê nêrînê; heke hat û perasiya wî girt li ser karê êkê din yê ne niyas nivîsî, piraniya caran berovajî, wê karê dahênanî yê wî kesî hêlengînit û wê çavên xwe ji layenên erênî bigire.

Eve heke hat û carekê ji caran, bi her rêka hebe, tiştêk weha li ser têkistekî tu havliyên

kesokî; li gel nivîskarê wî tune yê nivîsî. Ha ji vir ez weha dibînim, tu caran bi vî dest û darî çand û hunerê me nikare berîkanê li gel çand û hunerê cîhanê bike.

Anko heke bizav û hewlên berdewam û dilsozane ne hên kirin ko em xwe ji vê diyarda nerênî rizgar bikin, ez bawer dikim, hêdî hêdî têkist û karên me yê çand û hunerî wê berev çarenivîsekê mijdar herin û zivirandina heybeta wan wê zor bi asteng bikeve.

Dibe ev bibe rastiyeke berçav bo her kesê xemê ji vê mijarê di xwe û barê giranê fîxan û hesretan helbigire. Em dibînin bazarê vê diyarde di qada çand û hunerê me de germe. Bi sedan têkistên tuxmên wêjeyî yê cuda cuda; herwesa rojane bi wî gojmey û dibe pêtir şakarên hunerî di hêne afirandin. Lê cihê daxê ye; ji bilî yê hinek heval û dostan, ew jî bi şewekî erênî; wekî me li serî amaje dayê, piraniya van têkis û karên din yê dahênanî dibine dîlên toza çerxî û tu kes, ne bi erênî û ne bi nerênî xwe pênahînder û li ser nanivîsin.